



Pusat Perkhidmatan Pelanggan

Hubungi **1 300 80 3030**
pada kadar tempatan

+603 2171 3030

amassurance-general@ambankgroup.com

Taip **AmG<jarak>mesaj**
Hantar ke 33911 (AmAlert)

KEPERLUAN PERIBADI – POLISI KEMALANGAN DIRI UNTUK KUMPULAN PELAJAR

DUTI
SETEM
DIBAYAR

Borang cadangan dan akuan yang diberi oleh Ibulupa Orang Yang Diinsuranskan menjadi asas kontrak ini.

Setelah menerima dan mengesahkan penerimaan premium pertama daripada Pemegang Polisi ini, dan sebarang premium berikutan dengannya, AmG Insurance Berhad bersetuju untuk memberikan insurans kepada Pihak Diinsuranskan terhadap Kecederaan Anggota disebabkan oleh Kejadian yang tidak disengajakan yang dilindungi oleh Polisi ini tertakluk kepada dan selaras dengan segala pengecualian, batasan, peruntukan, terma dan syarat-syarat yang dinyatakan di sini.

PERLINDUNGAN – BATASAN WILAYAH MALAYSIA, SINGAPURA DAN BRUNEI

Manfaat 1	Kematian Akibat Kemalangan (berlaku dalam tempoh dua belas (12) bulan kalendar Kemalangan)	:	Skala pampasan seperti yang dinyatakan dalam Jadual Manfaat bagi Kematian Akibat Kemalangan.
	Tanggung Rugi Berganda – Pengangkutan Awam	:	Skala pampasan seperti yang dinyatakan dalam Jadual Manfaat bagi Tanggung Rugi Berganda – Pengangkutan Awam.
	Perbelanjaan Pengkebumian	:	Skala pampasan seperti yang dinyatakan dalam Jadual Manfaat bagi Perbelanjaan Pengkebumian.
Manfaat 2	Hilang Upaya Kekal dan Putus Anggota Badan (berlaku dalam tempoh dua belas (12) bulan kalendar Kemalangan)	:	Skala pampasan seperti yang dinyatakan dalam Jadual Manfaat bagi Hilang Upaya Kekal dan Putus Anggota Badan.
Manfaat 3	Perbelanjaan Perubatan Perbelanjaan Perubatan termasuk bayaran untuk yuran ambulans, khidmat sinseh dan rawatan tradisional dan laporan perubatan/post-mortem sehingga jumlah yang tertera dalam Jadual Manfaat.	:	Bayaran balik perbelanjaan tertanggung untuk setiap Kemalangan sehingga jumlah yang dinyatakan dalam Jadual Manfaat.
Manfaat 4	Manfaat Hospital	:	
	a) Elaun Tunai Hospital Harian	:	Elaun tunai harian seperti dinyatakan dalam Jadual Manfaat akibat daripada sesuatu Kemalangan tertakluk kepada maksimum 60 hari.
	b) Perbelanjaan Perjalanan	:	Bayaran balik perbelanjaan bagi jumlah yang dinyatakan dalam Jadual Manfaat setiap hari sehingga maksimum RM500.00 setiap Kemalangan.
Manfaat 5	Manfaat Penculikan	:	Sekiranya Orang Yang Diinsuranskan diculik dan menderitai Kecederaan Anggota yang boleh dibayar di bawah Manfaat 1 atau Manfaat 2, Kami akan memberikan bayaran tambahan sebanyak RM20,000.00.

DEFINISI AM

KEMALANGAN

Suatu peristiwa yang terjadi secara tiba-tiba, tidak disengajakan, tidak diduga, luar biasa dan bersifat khusus yang waktu dan tempat kejadian tidak dapat ditentukan dan tanpa sebab lain dengan sendirinya mengakibatkan Kecederaan Anggota.

UMUR

Umur pada ulang tahun kelahiran yang akan datang.

KECEDERAAN ANGGOTA

Kecederaan Anggota yang semata-mata dan secara langsung berpunca daripada keganasan, Kemalangan, cara luaran dan nyata dan tidak termasuk keuzuran, penyakit atau sebarangkeadaan yang berlaku secara semula jadi atau penyakit degeneratif.

PERKELAHIAN

Pertengkar atau pergaduhan yang riuh rendah dan sering ganas sama ada dirangsangkan atau tidak.

SIJIL INSURANS

Sijil Insurans yang dilampirkan dan menjadi sebahagian daripada Polisi ini.

KEKECOHAN / DEMONSTRASI AWAM

Sokongan manifestasi atau rasa tidak puas hati atau bantahan melalui perhimpunan dan perarakan awam.

PUTUS ANGGOTA BADAN

Kehilangan kekal secara fizikal iaitu putus tangan pada atau di atas pergelangan tangan atau kaki pada atau di atas buku lali, dan termasuk kehilangan kekal dan tidak boleh pulih lagi penggunaan tangan, lengan atau kaki.

DOKTOR

Pengamal perubatan berdaftar yang berkelayakan dan berlesen untuk menjalankan amalan perubatan cara Barat dan seseorang yang dalam memberi rawatan sedemikian, menjalankan amalan mematuhi skop lesen dan latihannya bersesuaian didalam kawasan bidang yang diamalkan tetapi tidak termasuk Doktor atau Pakar Bedah yang merupakan ahli keluarga terdekat Orang Yang Diinsuranskan.

TARIKH KUATKUASA

Tarikh yang dinyatakan dalam Jadual bagi permulaan insurans bawah Polisi ini.

PENGENDORSAN

Bukti bertulis terhadap perubahan dalam Polisi yang telah dipersetujui.

DIMASUKKAN KE HOSPITAL /MASUK HOSPITAL

Disebabkan sesuatu kemalangan Orang Yang Diinsuranskan perlu menjalani sebarang pembedahan atau rawatan yang memerlukan dia tinggal lebih daripada 24 jam di sesebuah tempat kemudahan perubatan atau hospital.

PENCULIKAN

Apabila Orang Yang Diinsuranskan diculik secara salah dan ditahan untuk wang tebusan.

KELUARGA TERDEKAT

Ibu bapa dan adik-beradik Orang Yang Diinsuranskan

ORANG YANG DIINSURANSKAN

Orang yang dinamakan sebagai Orang Yang Diinsuranskan dalam Jadual, yang menetap di Malaysia.

PENANGGUNG INSURANS/SYARIKAT/KAMI/KITA

AmG Insurance Berhad.

IBUBAPA

Ibubapa/ibubapa angkat yang sah/penjaga yang sah bagi Orang Yang Diinsuranskan yang membayar Premium untuk Orang Yang Diinsuranskan.

TEMPOH INSURANS

Bermaksud tempoh perlindungan yang dinyatakan dalam Jadual Polisi.

TETAP

Setelah berlangsung selama lebih daripada 12 bulan berturut-turut dan apabila tamat tempoh itu, berkeadaan tidak mungkin akan pulih.

PEMEGANG POLISI / ANDA / DIRI ANDA

Hendaklah bermaksud institusi pelajaran yang mana Polisi dikeluarkan untuk melindungi orang yang dikenalpasti sebagai Orang Yang Diinsuranskan dalam Polisi ini.

PENGANGKUTAN AWAM

Pengangkutan awam yang berlesen dan sah di sisi undang-undang membawa penumpang yang membayar tambang.

RUSUHAN

Gangguan keamanan oleh beberapa orang, berkumpul dan bertindak dengan niat yang sama dalam melaksanakan satu tindakan yang sah di sisi undang-undang atau yang menyalahi undang-undang secara ganas dan menimbulkan huru-hara.

JADUAL

Jadual yang dilampirkan dan menjadi sebahagian daripada Polisi ini.

MOGOK

Keengganan bersepadu para pekerja untuk melaksanakan kerja yang telah diberikan pihak majikan kepada mereka untuk memaksa majikan memberikan konsesi tertentu yang dituntut, seperti peningkatan upah atau keadaan pekerjaan yang lebih baik.

JUMLAH DIINSURANSKAN

Bermaksud had liabiliti Kami di bawah insurans ini.

PERBELANJAAN PERJALANAN

Perbelanjaan tertanggung untuk perjalanan ke hospital dan sebaliknya.

KETERANGAN MANFAAT

KEMATIAN AKIBAT KEMALANGAN

Kematian yang timbul dari Kecederaan Anggota.

PERBELANJAAN PENGKEBUMIAN

Jumlah bayaran sekaligus seperti yang ditetapkan dalam Jadual Manfaat bagi kehilangan nyawa Orang Yang Diinsuranskan akibat Kemalangan.

HILANG UPAYA KEKAL DAN PUTUS ANGGOTA BADAN

Hilang upaya dan putus anggota badan seperti yang ditetapkan dalam Jadual Manfaat.

ELAUN TUNAI HOSPITAL HARIAN

Untuk setiap tempoh 24 jam ditahan di hospital akibat sesuatu kemalangan, kuantum manfaat pendapatan hospital harian yang hendaklah selaras dengan Pelan yang dibeli boleh dibayar bagi maksimum 60 hari untuk setiap kejadian. Kami akan membayar Elaun Tunai Hospital Harian dari tarikh Orang Yang Diinsuranskan mula dimasukkan sehingga tarikh dia dibenarkan keluar daripada hospital.

TANGGUNG RUGI BERGANDA – PENGANGKUTAN AWAM

Apabila Pelajar Yang Diinsuranskan mengalami Kehilangan nyawa secara tidak sengaja sebagai penumpang berbayar dalam pengangkutan awam terus daripada tempat kediaman ke sekolah atau sebaliknya untuk pelajaran di sekolah dan/atau aktiviti rasmi sekolah.

PERBELANJAAN PERUBATAN

Kami akan membayar gantirugi kepada Pemegang Polisi untuk perbelanjaan perubatan yang tertanggung oleh Orang Yang Diinsuranskan akibat daripada sesuatu Kemalangan dengan syarat liabiliti maksimum pihak syarikat yang berbangkit daripada salah satu kemalangan hendaklah tidak melebihi jumlah yang tertera dalam Jadual Manfaat. Istilah "Perbelanjaan Perubatan" hendaklah termasuk perbelanjaan yang tertanggung untuk hospital (termasuk Bilik dan Penginapan), klinikal, rawatan perubatan dan pembedahan, khidmat sinseh atau rawatan tradisional dan kos untuk mendapatkan laporan perubatan dan/atau post-mortem.

Untuk khidmat sinseh dan rawatan tradisional, kami hanya akan membayar balik kepada Orang Yang Diinsuranskan sehingga sub-had seperti tertera dalam Jadual Manfaat sehingga maksimum RM250.00.

Orang Yang Diinsuranskan dikehendaki mengemukakan Bil-bil Perubatan Asal/Inbois-inbois dan Resit-resit Rasmi yang Berkenaan apabila Orang Yang Diinsuranskan ingin mendapat bayaran balik bagi tuntutan perbelanjaan perubatannya.

PERBELANJAAN PERJALANAN

Kami akan membuat bayaran balik kepada Anda bagi perbelanjaan perjalanan yang tertanggung oleh ibubapa Orang Yang Diinsuaranskan sekiranya Orang Yang Diinsuranskan di masukkan ke hospital akibat sesuatu kemalangan tertakluk kepada jumlah maksimum RM500 setiap kemalangan.

Anda dikehendaki mengemukakan Bil Perjalanan Asal apabila Orang Yang Diinsuranskan ingin mendapat bayaran balik bagi tuntutan Perbelanjaan Perjalanannya.

MANFAAT PENCULIKAN

Sekiranya Orang Yang Diinsuranskan diculik dan Mati atau menderitai Kecederaan Anggota yang boleh dibayar di bawah Manfaat 1 atau Manfaat 2, Kami akan memberikan bayaran tambahan kepada Anda sebanyak RM20,000.00 dengan syarat terdapat pengesahan dari pihak polis yang Orang Yang Dinsuranskan telah diculik.

PERUNTUKAN KHAS

1. KOMA

Apabila disahkan oleh pakar perubatan bahawa Orang Yang Diinsuranskan telah koma sekurang-kurangnya selama setahun akibat sesuatu Kemalangan, Kami akan membayar 100% daripada Jumlah Modal Diinsuranskan. Walau bagaimanapun, Kami berhak mendapatkan kembali bayaran yang telah dibuat sekiranya Orang Yang Diinsuranskan telah sedar semula dengan syarat potongan 10% daripada bayaran yang tersebut dibuat bagi setiap tahun ketika mana Orang Yang Diinsuranskan berada dalam keadaan koma.

2. KEHILANGAN

Sekiranya tempoh SETAHUN telah berlalu dari tarikh kehilangan dilaporkan dan Kami telah memeriksa dengan teliti semua bukti yang ada dan tidak mempunyai alasan untuk mengandaikan apa-apa selain daripada satu Kemalangan telah berlaku yang segalanya berkemungkinan menyebabkan kematian Orang Yang Diinsuranskan, maka kehilangan Orang Yang Diinsuranskan hendaklah dianggap boleh dituntut di bawah Polisi ini dan Jumlah Modal Diinsuranskan penuh hendaklah dibayar. Walau bagaimanapun, jika pada bila-bila masa selepas pembayaran dibuat Orang Yang Diinsuranskan didapati masih hidup, maka apa-apa jumlah yang telah Kami bayar dalam tuntutan ini hendaklah dikembalikan kepada Kami.

3. GIGITAN SERANGGA DAN PATUKAN ULAR

Polisi ini diperluaskan untuk melindungi Kematian atau Kecederaan Anggota akibat kemalangan yang disebabkan gigitan serangga dan patukan ular (tidak termasuk Kematian / Kecederaan Anggota yang disebabkan oleh penyakit kecuali disebabkan oleh malaria, demam denggi dan demam Chikungunya).

4. KERACUNAN MAKANAN

Polisi ini diperluaskan untuk melindungi kematian akibat daripada keracunan makanan yang tidak disengajakan atau disebabkan musibah lain seumpamanya dengan atau tanpa sebarang tanda kecederaan luaran atau keganasan yang boleh dilihat.

PENGECUALIAN AM

Polisi ini tidak melindungi Kematian atau sebarang kecederaan / hilang upaya yang secara langsung atau tidak langsung disebabkan oleh atau berkaitan dengan mana-mana daripada yang berikut:

1. Peperangan, pencerobohan, tindakan musuh asing, pertempuran (sama ada peperangan diisytiharkan atau tidak), perang saudara, pemberontakan, revolusi, penentangan, dahagi atau rampasan kuasa, kebangkitan ketenteraan atau orang ramai, mogok, rusuhan, kekecohan atau demonstrasi awam.
2. Bunuh diri atau sebarang percubaan ancaman, kecederaan diri sendiri yang disengajakan.
3. Sebarang bentuk penyakit, jangkitan atau parasit termasuk "Japanese Encephalitis" dan Sindrom Kekurangan Daya Tahan Penyakit (AIDS) atau Komplikasi Berkaitan AIDS (ARC).
4. Bersalin, keguguran, kehamilan atau sebarang komplikasi daripadanya.
5. Pembunuhan atau serangan yang didorongkan amarah.
6. Ketika dalam perjalanan di dalam sebuah pesawat atau kapal sebagai ahli krew, melainkan hanya sebagai seorang penumpang berbayar di dalam sebuah pesawat atau kapal berlesen bagi perkhidmatan penumpang.
7. Ketika melakukan atau cuba melakukan sebarang tindakan yang menyalahi undang-undang.
8. Ketika menyertai sebarang sukan profesional.
9. Orang Yang Diinsuranskan terbabit atau menyertai aktiviti atau sukan yang berbahaya seperti sebarang sukan meluncur musim sejuk, pendakian gunung atau batu (yang melibatkan penggunaan tali atau panduan), penerokaan gua, menyelam, penerjunan payung terjun, aktiviti-aktiviti bawah air yang memerlukan penggunaan alat bantuan pernafasan dalam air, perlumbaan berhalangan, pemburuan besar-besaran atau memburu.
10. Perlumbaan (selain daripada dengan menggunakan kaki), ujian kederasan kelajuan atau kebolehpercayaan laluan jejak.
11. Menunggang / memandu tanpa lesen memandu yang sah.
12. Ketika melibatkan diri di dalam pergaduhan.
13.
 - a) Asbestos, atau
 - b) Sebarang kebenaran atau dakwaan terhadap kecederaan berkaitan asbestos atau kerosakan yang melibatkan penggunaan, kehadiran, kewujudan, pengesanan, perpindahan, penghapusan atau penghindaran asbestos atau lpendedahan atau potensi lpendedahan kepada asbestos.
14.
 - a) Radiasi pengionan atau pencemaran oleh radioaktiviti daripada sebarang bahan api nuclear atau sebarang sisa bahan nuklear atau daripada pembakaran bahan api nuclear.
 - b) Bahan radioaktif, toksik, letupan atau bahan-bahan berbahaya atau pencemar lain daripada sebarang pemasangan nuklear, reaktor atau himpunan nuklear yang lain atau komponen nuklear daripadanya.
 - c) Sebarang senjata peperangan yang menggunakan pembelahan atom atau nuklear dan/atau cantuman atau tindakbalas lain atau kuasa radioaktif atau jirim seumpamanya.
15. Sebarang tindakan keganasan. Untuk tujuan ini tindakan keganasan bermaksud sesuatu tindakan, termasuk tetapi tidak terhad kepada penggunaan kekerasan atau kejaman dan/atau ancaman daripada itu, oleh mana-mana orang atau kumpulan orang, sama ada bertindak sendiri atau bagi pihak atau berkaitan dengan mana-mana organisasi atau kerajaan, melakukannya untuk tujuan politik, keagamaan, ideologi, atau tujuan yang serupa termasuklah dengan tujuan untuk mempengaruhi mana-mana kerajaan dan/atau menyebabkan orang awam, atau mana-mana golongan orang awam berada dalam ketakutan.
16. Sebarang kecacatan/kelemahan fizikal sedia ada/apa-apa keuzuran, penyakit atau apa-apa penyakit sekalipun.

JADUAL MANFAAT

		Jumlah Modal Diinsurankan (RM)		
		Pelan 1	Pelan 2	Pelan 3
Manfaat 1	Kematian Akibat Kemalangan (berlaku dalam tempoh dua belas (12) bulan kalendar Kemalangan)	15,000	30,000	50,000
	Tanggung Rugi Berganda – Pengangkutan Awam	15,000	30,000	50,000
	Perbelanjaan Pengkebumian	2,000	2,000	2,000
Manfaat 2	Hilang Upaya Kekal dan Putus Anggota Badan			
	Lumpuh sepenuhnya (dari leher ke bawah)	50,000	70,000	90,000
	Kecederaan menyebabkan kekal terlantar di katil	50,000	70,000	90,000
	Tidak siuman sepenuhnya	50,000	70,000	90,000
	Kehilangan sebelah atau kedua-dua belah tangan di pergelangan	50,000	70,000	90,000
	Kehilangan sebelah atau kedua-dua belah kaki	50,000	70,000	90,000
	Kehilangan penglihatan atau sebelah atau kedua-dua belah mata	50,000	70,000	90,000
	Kehilangan semua jari dan kedua-dua ibu jari	50,000	70,000	90,000
Manfaat 3	PERBELANJAAN PERUBATAN			
	a) Perbelanjaan Perubatan (Maksimum RM2,000 setiap Kemalangan)	2,000	2,000	2,000
	b) Sinseh dan Rawatan Tradisional (Maksimum RM250)	25 setiap lawatan	50 setiap lawatan	75 setiap lawatan
Manfaat 4	MANFAAT HOPITAL			
	a) Elaun Harian Tunai Hospital (Maksimum 60 hari)	50 setiap hari	75 setiap hari	100 setiap hari
	b) Perbelanjaan Perjalanan (Maksimum RM500 setiap Kemalangan)	10 setiap hari	10 setiap hari	10 setiap hari
Manfaat 5	Manfaat Penculikkan	20,000	20,000	20,000

Nota:

Jumlah Diinsurankan sebenar untuk Orang Yang Diinsurankan adalah seperti dinyatakan dalam Jadual Polisi/Sijil.

Tahap tidak siuman mestilah disahkan oleh Doktor.

Manfaat yang dibayar dalam perkara Kematian atau Hilang Upaya Kekal dan Putus Anggota Badan akibat Kemalangan adalah Jumlah Diinsurankan seperti yang dinyatakan dalam Jadual Polisi. Sekiranya berlaku Kematian atau Hilang Upaya Kekal dan Putus Anggota Badan Sepenuhnya dan tuntutan dibayar semasa tempoh Polisi ini, maka kesemua insurans yang wujud di bawah Polisi ini akan tamat serta-merta.

SYARAT-SYARAT AM

1. HAD UMUR

Semua Orang Yang Diinsuranskan hendaklah berumur tidak kurang daripada empat (4) tahun atau lebih daripada lapan belas (18) tahun.

2. PINDAAN

Kami mempunyai hak untuk meminda terma-terma dan syarat-syarat Polisi ini dan pindaan sedemikian terhadap Polisi ini adalah sah jika diberikuasa oleh Kami dan diendorskan pada dokumen ini. Kami hendaklah memberi notis bertulis kepada Anda mengikut alamat terakhir yang direkod untuk apa-apa pindaan yang dibuat.

3. UNDANG-UNDANG TERPAKAI

Polisi ini dan semua hak, obligasi dan liabiliti yang timbul dibawah dokumen ini, hendaklah ditafsirkan dan ditentukan dan boleh dikuatkuasakan menurut undang-undang Malaysia dan Mahkamah Malaysia hendaklah mempunyai bidang kuasa eksklusif terhadap dokumen ini.

4. TIMBANGTARA

Semua pertikaian yang berbangkit daripada Polisi ini hendaklah dirujuk kepada seorang Penimbangtara yang hendaklah dilantik secara bertulis oleh pihak-pihak yang bertikai. Jika mereka tidak mendapat kata sepakat tentang siapa yang akan menjadi Penimbangtara dalam masa satu (1) bulan setelah diperlukan secara bertulis untuk berbuat sedemikian maka kedua-dua pihak hendaklah berhak melantik seorang Penimbangtara masing-masing yang hendaklah meneruskan pendengaran tentang pertikaian itu bersama seorang Wasit yang akan Kami dilantik oleh kedua-dua Penimbangtara. Walau bagaimanapun, dengan syarat bahawa sebarang penolakan liabiliti oleh Kami untuk mana-mana tuntutan menurut dokumen ini mestilah dirujuk kepada seorang Penimbangtara dalam masa dua belas (12) bulan kalendar dari tarikh penolakan sedemikian.

5. PERUBAHAN KEADAAN ANDA

Anda hendaklah memberitahu Kami secepat mungkin secara bertulis sebarang perubahan keadaan Orang Yang Diinsuranskan yang boleh menjejaskan insurans ini.

6. TUNTUTAN

- (a) Notis Kecederaan atas mana tuntutan dibuat dan dilindungi oleh Polisi ini, mestilah diberi secara bertulis kepada Kami dalam masa 14 hari selepas kejadian. Kami, sebaik menerima notis sedemikian akan memberikan borang tuntutan kepada Ibubapa Orang Yang Diinsuranskan supaya bukti tuntutan difaillkan.
- (b) Sekiranya berlaku kematian, notis yang munasabah hendaklah diberikan kepada Kami sebelum pengebumian atau pembakaran mayat dan Kami mungkin akan membuat permohonan untuk hadir pada bedah siasat atau pemeriksaan mayat Orang Yang Diinsuranskan. Kami mempunyai hak dan peluang untuk menjalankan autopsi dengan perbelanjaan ditanggung oleh Kami jika ianya tidak dilarang oleh undang-undang. Notis serta-merta tentang masa dan tempat mana-mana siasatan kematian yang telah ditentukan akan diberikan kepada Syarikat.

Kesemua sijil, maklumat dan bukti yang diperlukan oleh Kami hendaklah diberikan oleh Ibubapa Orang Yang Diinsuranskan atau wakil peribadi Orang Yang Diinsuranskan yang sah dan hendaklah dalam bentuk dan jenis yang ditentukan oleh Kami.

7. SYARAT SEBELUM TANGGUNGAN DITERIMA

Mematuhi dan memenuhi terma-terma dan syarat-syarat Polisi ini dengan wajar setakat ianya berkaitan dengan perkara yang patut atau tidak patut dilakukan oleh Anda atau Wakil Peribadi Sah Orang Yang Diinsuranskan akan menjadi syarat terdahulu kepada sebarang liabiliti Syarikat untuk membuat apa-apa bayaran di bawah Polisi ini.

8. MATAWANG DAN KADAR PERTUKARAN

Semua premium hendaklah dibayar di dalam Ringgit Malaysia. Sekiranya Orang Yang Diinsuranskan dimasukkan ke hospital dan/atau menerima rawatan perubatan di luar Malaysia dan bil yang dikemukakan adalah dalam matawang lain daripada Ringgit Malaysia, Kami akan membayar ganti rugi kepada Pemegang Polisi atau wakil peribadi sah Pemegang Polisi di dalam Ringgit Malaysia berdasarkan kadar pertukaran harga yang disebutkan (kadar pasaran terbuka sekiranya pasaran bebas, kadar rasmi sekiranya bukan pasaran bebas) pada tarikh Orang Yang Diinsuranskan keluar dari hospital.

9. PERNYATAAN SILAP ATAU PENINGGALAN FAKTA PENTING

Kami tidak bertanggungjawab untuk sebarang pernyataan silap atau jika sesuatu fakta penting telah tertinggal daripada Borang Cadangan. Menurut Seksyen 149(4) Akta Insurans 1996, Pemegang Polisi/Anda dikehendaki mendedahkan kepada Kami, dengan sepenuhnya dan sejujurnya semua fakta yang Pemegang Polisi/Anda tahu atau sepatutnya tahu, jika tidak polisi yang dikeluarkan mungkin terbatal.

10. PEMBAHARUAN POLISI

Kami tidak bertanggungjawab untuk memberi notis pembaharuan kepada Anda. Premium untuk pembaharuan Polisi ini hendaklah dianggap perlu dibayar pada tarikh Polisi ini tamat. Pembaharuan hanya akan menjadi sah apabila Kami menerima bayaran premium daripada Anda atau ejen yang diberikuasa. Polisi ini tidak boleh diperbaharui apabila Orang Yang Diinsuranskan mencapai umur sembilan belas (19) tahun.

11. PENAMATAN INSURANS

Polisi ini hendaklah ditamatkan apabila mana-mana yang berikut berlaku dahulu:

a) Oleh Kami

Kami boleh memberi notis penamatan melalui surat berdaftar kepada alamat terakhir Anda yang diketahui. Penamatan sedemikian akan berkuatkuasa tujuh hari selepas tarikh notis tersebut. Jika premium telah dibayar untuk mana-mana tempoh yang melebihi tarikh penamatan Polisi ini, premium pro-rata akan dipulangkan kepada Anda dengan syarat bahawa tiada tuntutan dibuat dalam Tempoh Insurans.

b) Oleh Anda atau Ibubapa Orang Yang Diinsurankan

Sekiranya Kami menerima notis penamatan daripada Anda, atau Ibubapa Orang Yang Diinsurankan maka penamatan sedemikian hendaklah berkuatkuasa pada tarikh notis itu ini diterima atau pada tarikh yang ternyata dalam notis, yang mana terkemudian. Kami akan menyimpan premium mengikut jadual jangka pendek bagi tempoh Polisi telah berkuatkuasa dan Kami akan membayar balik kepada Anda atau Ibubapa Orang Yang Diinsurankan bahagian yang belum tamat daripada tempoh Polisi dengan syarat tiada tuntutan pernah dibuat dalam tempoh insuran.

Jadual Jangka Pendek

Tempoh tidak Melebihi	Bayaran Balik Premium Tahunan
15 hari	90% (terpakai untuk pembaharuan sahaja)
1 bulan	80%
2 bulan	70%
3 bulan	60%
4 bulan	50%
5 bulan	40%
6 bulan	30%
7 bulan	25%
8 bulan	20%
9 bulan	15%
10 bulan	10%
11 bulan	5%
Tempoh melebihi 11 bulan	Tiada bayaran balik

c) Penamatan Automatik

Polisi Luput

Polisi ini akan luput/tamat tepat jam 12.00 tengah malam (waktu piawai Malaysia) pada hari terakhir Tempoh Insurans.

NOTIS PENTING

FASAL WARANTI PREMIUM

Adalah menjadi syarat asas dan khas mutlak kontrak insurans ini bahawa premium yang patut dibayar mestilah dibayar kepada Syarikat dan diterima oleh Syarikat dalam tempoh enam puluh (60) hari daripada tarikh permulaan polisi ini/pengendorsan/pembaharuan sijil.

Jika syarat ini tidak dipatuhi maka kontrak insurans ini adalah secara automatik terbatal dan Kami berhak menerima premium premium pro-rata bagi tempoh mereka berisiko.

Dimana premium yang perlu dibayar menurut waranti ini diterima oleh seseorang Ejen Syarikat yang diberikuasa, bayaran hendaklah dianggap telah diterima oleh Pihak Syarikat bagi tujuan waranti ini dan beban pembuktian bahawa premium yang perlu dibayar telah diterima oleh seseorang, termasuk Ejen insurans, yang tidak diberikuasa untuk menerima premium yang sedemikian hendaklah terletak pada pihak Syarikat.

Tertakluk sebaliknya kepada terma dan syarat-syarat Polisi ini.